



Universitätsbibliothek Paderborn

Instructio practica ...

De Sacerdotii Origine & Præstantia - Variis item Industriis, & Praxibus, quibus Sacerdotes boni ad Dei gloriam suámque & Proximi salutem promovendam sunt usi ; Malorum Qvoqve Sacerdotum infelici interitu, radicibus, & remediis Cui etiam Compendium Ritualis, ea, quæ pro commodiori Sacramentorum & ...

Lohner, Tobias

Dilingæ, 1681

Reverendissimo, Prænobili, Et Amplissimo Domino Domino Joanni Gözfrid SS. Theologiæ Doctori, Reverendissimi, Et Serenissimi Principis Et Episcopi Ratisbonensis in Spiritualibus Vicario Generali, ...

[urn:nbn:de:hbz:466:1-48600](https://nbn-resolving.org/urn:nbn:de:hbz:466:1-48600)

REVERENDISSIMO,
PRÆNOBILI, ET AMPLISSIMO
DOMINO DOMINO

JOANNI
GÖZFRID

SS. Theologiæ Doctori,

REVERENDISSIMI, ET SERE-
NISSIMI PRINCIPIS ET EPISCOPI
RATISBONENSIS IN SPIRITUALIBUS

VICARIO GENERALI,
OFFICIALI ET CONSILIARIO,

Nec non

Cathedralis Ecclesiæ Ratisbonensis
CANONICO,

DOMINO MEO GRATIOSO.

Vereri equidem non imme-
ritò debebam, ne in autho-
ritatem & dignitatem Reve-
rendissimæ ac Grat. Dom.

Vestræ graviter peccarem, dum tenuis-
simum hoc opusculum illustri eiusdem
Nomini inscribere & dedicare præsu-

X 2

mo;

EPISTOLA

moised facile veniam audaciæ tantæ ob-
tenturum me confido, si triplici titulo,
velut triplici funiculo, qui difficulter
rumpitur, me ad hunc Libellum Ipsi po-
tius, quàm alteri dedicandum, constri-
ctum fuisse intellexerit. Cùm enim pri-
mò præcipuus Instructioni huic in lu-
cem datæ Scopus mihi fuerit præfixus,
ut Sacerdotibus sinceram, ac statum, vo-
cationeque suâ altissimâ dignam æsti-
mationem ingenerarem, simulque va-
rias industrias, quibus & suam, & alio-
rum salutem ac perfectionem maiori
dexteritate ac fructu procurare possent,
suggererem, meritò non parùm ad hunc
Scopum certius obtinendum conduce-
re videbatur, si non mortuorum dun-
taxat pulcherrima exempla, sed recen-
tiora etiam adhuc viventium facta eis-
dem ob oculos ponerem; nec sanè diu
talia mihi quærenda fuerunt, cùm in
Reverendissima & Grat. Dom. Vestra
abun-

DEDICATORIA.

abunde illa invenerim, ut quæ tum propter eximiam Theologicorum, Canoniorumque dogmatum notitiam; tum propter singularem vitæ inculpatæ, morumque innocentiam ac gravitatem; nec non copiosissimum, solidarum, selectarumque virtutum apparatus usque adeò fulgere cœpit in domo DEI, ut meritò ex modio privatæ vitæ extrahendam, & super Candelabrum Vicariatûs Generalis ponendam censuerint Superiores, ut verbo & exemplo præluceret omnibus, qui in Diœcesi sunt. Quòd si & ipsam in Pastoris munere per multos annos obeundo indefessam sedulitatem ac vigilantiam: in dirigendis animabus singularem dexteritatem & Zelum: in Sacerdotibus gubernandis eximium fervorem, & prudentiam: in laboribus denique tolerandis, difficultatibusque superandis invictam constan-

stantiam perpendere voluero, an non jure æquissimo iterum Reverendissimam & Grat. Dom. Vestram Sacerdotibus omnibus in vivum & genuinum veri Pastoris Exemplum proponere, illaque DEI ad Moysen olim dicta verba: *Aspice, & fac secundum exemplar, quod tibi propositum est: usurpare potero?*

Jam verò si affectum, quo Reverendissima & Grat. Dom. Vestra & me, & Socios meos, constanter hactenus prosecuta est, considerem: si favorum & beneficiorum, quos nobis liberalissimè exhibuit, multitudinem & magnitudinem perpendam: an non æquissimum iterum videri poterat, ut, quoniam totum obligationis contractæ debitum persolvere non possum, exiguum saltem mutui affectus testimonium, gratamque beneficiorum acceptorum
memo-

DEDICATORIA.

memoriam, velut tenuem censum offerrem.

Si denique per hunc libellum ipsum meum desiderium, quo Instructionem hanc à Sacerdotibus, in quorum præcipue utilitatem ea à me, perinde, ac præcedentes octo, composita est, sedulo evolvi, ac ipsa praxi confirmari desidero, impleri cupiam, an non tertia mihi causa offerri meritò censetur, ut libellum hunc Reverendiss. & Grat. Dom. Vestræ patrociniò totum committam, ut per Eandem aliis etiam subjectis Sacerdotibus commendetur, atque adeò optatus à me, & aliis fructus subsequatur.

Accipiat ergo Reverendiss. ac Grat. Dom. Vestra opusculum hoc eo animo ac benevolentia, quâ aliorum suorum Clientum obsequia admittere consuevit, & ut idipsum subjectis Sacerdotibus ad finem præfixum obtinendum

EPIST. DEDICATORIA.

innotescat, cooperatione sua, auctoritateque efficere dignetur. Interea, ut DEUS ter Opt. Max. Eandem inter tot labores ac conatus diu salvam, incolumemque servare, atque per ipsius Zelum & operam, divinae suae gloriae, Ecclesiae, & Dioecesis Ratisbonensis commodum & augmentum copiose promovere velit, ex animo voveo, precorque. Monachij vigesimo Septembris. Anno post Christum natum M. DC. LXXI.

Reverendissima ac Gratiola

Dominationis Vestrae

Infimus & addictissimus Servus

TOBIAS LÖHNER
Soc. Jesu.